

蒙古原流箋證

下

蒙古源流箋證卷五

嘉興沈曾植箋證

錢唐張爾田校補

額訥特珂克土伯特蒙古汗等源流

朱葛住南省三年與彼處八十八萬漢人固結盟好乃摺奏云  
遵汗之旨已徵收賦稅攜帶前來闡人見有財帛不勝欣悅使  
之入奏云滿載九萬車財帛而至檢查齊至之物據稱前三萬  
車內裝載各色珍寶財帛中三萬車內裝載各項器械後三萬  
車內裝載各品飲食之物及卸看前三萬車所載之物實係珍  
寶財帛隨後之六萬車內則係披堅執銳之兵並礮三尊如蠟

燭裏飾一同裝載詭言恐車內裝載之物一時不能卸完置此蠟燭以備夜間然照遂將蠟燭俱已點灼先已約定燃至礮線

聞礮聲則車內伏兵即發至是前三萬車中之物將次卸完礮

聲一振兵丁突出攻擊眾皆驚潰無一人能敵于是汗悟前夢

乃袖玉璽攜福晉皇子俱出奔並攜同阿爾拉特之伊拉呼丞

相爾田案前云博郭爾濟後裔拉哈之子伊拉呼丞相元史氏族表博爾朮後人有阿魯圖嗣木刺忽為廣平王太傅中書

右丞相至王十一年出守和林卒官對音畧近阿拉瑪之布哈丞相爾田案史稱別兒

氏前卒未嘗隨帝北狩此段所言無一實者哈薩爾之後嗣多古勒和巴圖爾台吉

等七人力戰而出此烏哈噶爾田案鈔本有爾字衍圖汗於癸酉年即位

在位三十六年歲次戊申年五十一歲爾田案諸本作三十一歲鈔本作五十一閣本

同據因好諂佞以致建都之岱都地方一旦墮於兇頑之詭計

永失統業自威力青吉斯汗降生之壬午年起凡二百零七年

歲次己酉青吉斯汗即位至戊申凡一百八十年蒙古汗等傳

位共一十五世自是汗由古北口出亡感悔而歌曰以諸寶裝

嚴之大岱都城王靜安校鈔本作大岱都汗城是也馬可波羅游記稱大都為汗八里克譯言汗城也以

應時納涼之尙都海紉古爾都城爾田案尙都即上都海紉古爾都城前卷作克依紉庫爾

圖海紉克依紉與我烈祖避暑之尙都沙喇塔拉爾田案此沙喇塔拉在上

皆開平譯音都疑即答兒海子至元七年斡羅陳請於上都東北三百里答兒海子駐夏之地建城邑以居世祖從之遂名其城為應昌府

順帝北奔會際此戊申以致敗亡遂失大統且九色寶物裝嚴

之大岱都城執掌九十九政之尙都海紉澤溥眾生道極爾田案閣

本作 黎庶一統君主之赫赫名譽晨起登高眺望則清光燦爛

有時前後觀覽則威儀赫奕留憩於此雖歷冬夏而無鬱悶又

額爾克圖徹辰汗創立之寶貝岱都爾田案似指和林和林故城今額爾德尼招額爾克

圖徹辰汗乃 祖宗安居之大岱都城並撫有汗眾宰桑以及所

屬民人之眾多乃不聽伊拉呼丞相之諫者是我之遺恨也信

任叛去之朱葛者是我之愚昧也誤殺烏哈圖托克噶太師

逐去寶異尊上喇嘛者是我之罪愆也君汗之名譽可惜究之

大可惜者際此昇平之時呼必勒罕徹辰汗百計經營而得此

駢集福祉之岱都城以予狂惑而失於漢人朱葛之手愚頑之

名我多袞王靜安校多袞上卷作托歡 特穆爾其難辭矣歌聲既哀繼之以

泣爾田案明史擴廓帖木兒傳贊云元歸塞外一時從臣必有賦式微之章於沙漠之表者惜其姓字湮沒不得見於人間

此歌託之元帝自作蒼涼悲憤彷彿遇之孰謂朔漠無文耶方大亂時各處轉戰蒙古人等

四十萬內惟脫出六萬其三十四萬俱陷於敵於是先後脫出

之六萬人聚集于克噶倫河邊界起造巴爾斯和爾田案閣本作濶坦

城居住爾田案龔之鑰後出塞錄達賴貝子所屬境內有城名巴喇河屯譯言虎城也城內廢寺甚大達賴即車臣汗

固山貝子達哩其牧地在克魯倫河之南博羅布達即是城矣和坦即哈遜翻為城元典章驛站有脫脫禾孫巴爾斯蒙古語

也歲次庚戌洪武三年五十三歲歿爾田案史帝壽五十一故宮遺錄庚申心知不可為已因

泣數行下未幾以痢疾崩子阿裕錫哩達喇汗爾田案即愛猷識理達臘蒙古世系譜稱必力克圖汗

戊寅年生歲次辛亥年三十四歲即位八年在位八年歲次戊午洪武

十一年四十一歲歿弟特古斯特穆爾汗爾田案據明史外國傳脫古斯帖木兒為

愛猷識理達騰之子當以此書為正成祖諭本雅失里有太祖遣脫古斯帖木兒歸嗣為可汗語史蓋緣之而誤蒙古世系譜稱烏薩哈爾汗

壬午年生歲次己未年三十八歲卽位在位十年歲次

戊辰

洪武二十一年

年四十七歲歿

特古斯特穆爾嘗為明擒此書不叙知蒙古人諱之其卒在洪武二

十一年與此合不言為也速迭爾所弒者不詳其事亦諱之也明史太祖紀二十二年也速迭兒弒其主脫古斯帖木兒而立坤帖木兒與外國傳異又與成祖詔順帝後至坤帖木兒六傳皆不善終異當據此正之王靜安校明史脫古思帖木兒既遁將依丞相咬住於和林行至土刺河為其下也速迭兒所襲眾復散獨與捏怯來等十六騎偕適咬住來迎欲共依闊闕帖木兒大雪不得發也速迭兒兵猝至縊殺之并殺其子天保奴生子恩克卓里克圖汗額勒伯

克尼古塔蘇克齊汗哈爾古楚克都古楞特穆爾鴻台吉弟兄

共三人恩克卓里克圖汗己亥年生歲次己巳年三十一歲卽

位在位四年歲次壬申

洪武二十五年

年三十四歲歿弟額勒伯克汗

辛丑年生歲次癸酉年三十三歲卽位舉國上尊號稱爲額勒

伯克尼古塔蘇克齊汗忽被鬼怪所迷一日於雪內射一兔見

血點落於雪上乃曰安得有面色潔白似此雪額頰紅豔似此

血爾田案鈔本作血是此誤雪据改閣本同之婦人乎衛喇特扎哈明安之沿海達

裕浩海氏扎哈明安其後爲準噶爾扎哈疑卽準噶爾舊姓也答云汗之弟哈爾古楚克都

古楞鴻台吉之妻鄂勒哲依圖鴻郭幹拜濟爾田案拜濟卽必濟蒙古語貴婦也

一作必姬明人譯作比妓亦有作妣吉者對音無定字台吉妻曰必濟汗妻曰伯奇太后伯奇別乞對音尊稱顏色較

此尤爲都麗汗云沿海達裕爾果能愜我意使彼與我一見我

卽令爾爲丞相管轄四衛喇特藩部要畧厄魯特舊分四部杜爾伯特姓綽羅斯爲元臣孛罕

之後孛罕六世孫曰額森案孛罕不知何時人以此書所載額森先世推之額森之父托歡托歡之父巴圖拉巴圖拉之父浩



海達裕浩海達裕上溯孛罕僅隔一代然則孛罕蓋亦元季時人元史氏族表有孛罕左手萬戶兀羅帶氏其人當在元初與此孛罕是一是二不能知也御製準噶爾紀畧孛罕背正妻與他婦野合生子曰烏林台巴剌太師其母棄之澤中孛罕收養之遂統部落烏林台巴剌太師爲孛罕之子又爲準噶爾部祖恐卽浩海達裕父矣西域圖志準噶爾世系云綽羅斯屬第一世爲孛罕元臣脫歡後自脫歡至孛罕世次不可攷孛罕之子曰烏林台巴達台什烏林台巴達台什子曰達耀達耀子曰鄂爾魯克諾顏鄂爾魯克諾顏子曰巴圖蘭青森巴圖蘭青森子曰額森諾顏按此書譯成於乾隆四十二年圖志告成亦在是年而彼此抵牾不可關照圖志之達耀卽此之浩海達裕也巴圖蘭青森卽巴圖拉丞相也此以巴圖拉爲達裕之子彼以爲其孫一出於準噶爾自述其祖先一出於蒙古喇嘛敘其仇敵揆以情理自當以準噶爾之說爲可憑又此以額森爲巴圖拉孫彼以爲子中間巴噶穆卽脫歡一代脫去未曉其故明史記當時準噶爾數先代此書亦本蒙古舊史言之皆不容有舛訛而乖違如此甚矣譜學之難言也爾山案先生後說又以巴圖拉爲把都孛羅瓦刺三酋其分支不可詳彼此異說所當並

存  
浩海達裕乃伺都古楞鴻台吉出獵後往見鴻郭斡拜濟說

云奉汗之旨謂爾都麗眾皆稱異欲來爾家看視拜濟大驚云  
天地豈有混淆之理乎汗之貴重豈有覷弟婦之理乎哈爾古

楚克鴻台吉已與之乎兄豈爲黑犬乎

爾田案豈字鈔本作弟  
誤黑天閣本作黑犬据

改 浩海達裕以其言盡行具奏汗怒截殺其弟於路而納懷孕

三月之弟婦弟哈爾古楚克鴻台吉癸卯年生歲次己卯年三

十七歲殞命

王靜安校三十七  
歲當作三十一歲

迨後汗出放鷹浩海達裕爲請

名號備宴以至在外坐候汗駕鴻郭幹拜濟聞知遣哈爾古楚

克之僕人多克新沙喇謂之曰爾爲何坐於外可入我室中候

汗乃喚入大加禮敬鴻郭幹拜濟以奶油和奶酒盛於銀盃內

云爾自卑污致我於尊榮賤軀已爲貴體以稱拜濟之人而爲

伯奇太后由台吉之拜濟得爲汗之福晉我深感爾恩主上亦  
諒知此大恩今特把盞以酬爾之德耳浩海受而飲之不覺醉  
仆於地拜濟於是將浩海置之椅上採已髮一縷擲之各處仍  
自毀其面傳集爾田案閣  
本誤習庫爾新之大眾看視遂遣哈爾古楚  
克之僕人多克新沙喇迎往奏汗汗至見其背坐而泣問云爾  
何爲而泣乃將酬謝浩海之言一一告知且云伊飲酬酒一盃  
醉後肆言因褻我不從卽如此傷我浩海一聞此言急起乘馬  
遁去汗云觀浩海之遁斯言誠然矣遂追去浩海拒戰將汗小  
指射斷當將浩海圍住擒殺交蘇尼特之旺沁太保剝取浩海  
之皮給與拜濟拜濟尙不愜意旣吮汗小指之血又以人皮何

似取而觀之併餽浩海皮上之油乃曰既得吮懷蓄惡念汗之血並餽獻讒佞口浩海之油雖係婦人夫仇已報今卽就死無憾矣汗其速令我回汗慕鴻拜濟之色並不加怒反向浩海之

子巴圖拉

巴圖拉蓋卽明史之把禿孛羅永樂時封安樂王者也與馬哈木異部今以爲巴噶穆之父所未詳已

云誤殺爾父矣遂降庫伯袞岱大福晉所生之薩穆爾公主妻

之授爲丞相令管四衛喇特特衛喇特克噶古特

克噶古特當作額勒克徹

古特王靜安校卷三作奇喇古特

之烏格齊哈什哈聞之云汗政治不端殺弟

哈爾古楚克鴻台吉以弟婦鴻拜濟爲福晉淫虐亂法復被拜

濟所欺殺臣浩海以有此恥乃既有我在而令我屬人巴圖拉

管轄四衛喇特耶

爾田案閣本無此字

不勝憤怒汗聞之與婿

爾田案諸本作欲媚

從閣本巴圖拉丞相議殺烏格齊哈什哈詎庫伯袞岱大福晉致

信於烏格齊哈什哈烏格齊哈什哈即乘馬而來既弒額勒伯

克汗乃娶鄂勒哲依圖鴻拜濟為妻蒙古人眾大半降之額勒

伯克汗癸酉年即位在位七年歲次己卯建文元年年三十九歲殺

哈爾古楚克甫四月即於是年為烏格齊哈什哈所弒汗佔鄂

勒哲依圖鴻拜濟為福晉時已懷孕三月及烏格齊哈什哈娶

時懷孕已七月又三月歲次庚辰生一子取名阿寨阿寨台吉為額勒伯

克汗幼子額勒錐特穆爾汗為額勒伯克汗次子故永樂中成祖諭本雅失里詔曰也孫台與鬼力赤肺腑親也又案據後文

永樂庚寅阿寨台吉從阿岱汗行兵於衛喇特距庚辰才十年耳其年太穉恐此事尚在建文元年前也烏格齊哈

什哈愛養如己子而巴圖拉丞相復令阿薩特之子烏格德爾

案鈔本有楞字誤衍勒庫負筐拾糞取負筐之義命名曰阿嚕克台以供

使役自是與蒙古人眾不相能矣額勒伯克汗之長子琨特穆

爾爾田崇即明史坤帖木兒自順丁巳年生歲次庚辰建文二年

二十四歲即位在位三年歲次壬午年二十六歲歿無子弟額

勒錐特穆爾錢譜作諤勒哲依特穆爾己未年生歲次癸未永樂元年年二十五

歲即位額勒錐即明史之鬼力赤譯改郭勒齊者也史言其篡

降者不絕史據當時所述書之固當較喇嘛所記舊事確實也

永樂元年遣使諭鬼力赤六年鬼力赤被殺也孫台為部下所

殺迎元後本雅失里為可汗譯改布尼於別失八里立之七年

本雅失里徙居臚胸河入年親征敗本雅失里於兀兒古扎額蓋

爾古追敗諸鞑難河自此本雅失里西奔與阿魯台分十一年

本雅失里為瓦刺馬哈木乘其衰弱滅之得傳國璽立答里巴

為可汗自後瓦刺張於西阿魯台張於東至宣德末脫脫不花

始見譯改布哈答里巴他無所見亦不知其終又本雅失里為

別失八里元裔而對音與此書後文  
衛拉特之巴噶圖特錫賚汗相近  
在位八年歲次庚寅王靜安校

庚寅永樂八年三十二歲歿鬼力赤被弑明史一稱永樂三年一稱六年其為阿魯台所殺則無異說也

子德勒伯克汗此即明史之答里巴今譯塔里巴者瓦刺所立此為西汗乙亥年生歲次辛

卯永樂九年年十七歲即位五年歲次乙未永樂十年三年年二十一

歲歿是年乙未烏格齊哈什哈懷記前仇殺浩海達裕之子巴

圖拉丞相由是四衛喇特前往會盟適有三人而回路遇阿薩

特之阿魯克台西域圖志故事厄魯特準噶爾別出有元之阿魯台部其後聲訛為額魯特散出西北國初有

顧實汗者於天聰崇德間遣使人貢其支裔今居青海又世系

云和碩特以阿勒薩噶勒代諾顏為第一世子烏魯克特穆爾

為第二世子博羅特布古為第三世子博羅特特穆爾為第四

世子都楞代博為第五世子圖古堆為第六世子那郭代為第

七世子賽謨勒呼為第八世子庫綏為第九世子鄂博克博貝

為十世子鄂博克之子曰雅代青山博貝之孫即顧實汗也藩部

表云元太祖弟哈布圖哈薩爾七傳曰阿薩克噶勒泰生二子  
長曰阿魯克特穆爾為內蒙古科爾沁諸部祖次日烏魯克特  
穆爾為和碩特諸部祖據故事顧實為阿魯克台後則世系之阿  
薩克噶勒代即此之阿薩特阿魯克台即明史之阿魯台而其  
長子阿魯克特穆爾即此書後文之阿里瑪丞相也官書每不  
相檢會而於外藩所自述尤慎言之如脫歡巴噶穆之抵悟即  
其比例今以三書相校音證了然繫世可莫常疑瓦刺蒙古歷  
世相仇何以顧實為卜爾亥後人此一支在明世與吉囊俺答  
所部雜居青海彼此相安審為阿魯克台後乃知其別出已久且  
哈薩爾後而忠於阿岱固宜其子孫東西並盛也爾田案卜爾  
亥一作卜兒孩明史稱為小王子部長以內亂奔據西海一統  
志嘉靖間亦不刺與阿爾禿厮据青海西甯苦寇患惟卜兒孩  
一支歛眾自保蓋雖合於瓦刺而仍自為部者且其入青海也  
實較前於永邵卜諸部先生疑顧實為其後人與後引秦邊紀  
畧之說微異兩說似可互參秦邊紀畧明初置四衛於沿海為  
外藩故洮河莊湟無夷患四衛之廢則亦卜喇為之亦卜喇敗  
惟卜兒孩一部獨全夷推為卜失兔汗今漫延於青海間者皆  
卜失兔之苗裔也又云今之達賴黃台吉卜兒孩之子麥力幹  
達爾加黃台吉皆卜兒孩之孫此拾糞問云大人會盟之事若  
青海卜兒孩遺部即指和碩特也



何三人譏之云墨爾根項負繩纜而為大統憂勞且笑曰今已  
擊讒佞浩海之皮阿寨台吉稱汗名阿嚕克台者為太師大興  
政治矣迨三人去後阿嚕克台取糞筐置於地云此非若輩之  
言也蓋天命耳我乃屬下之人於我何有惟阿寨台吉乃天子  
之裔惟天神鑒之而已乃向天叩拜維時烏格齊哈什哈已死  
烏格齊之子額色庫丁卯年生歲次乙未永樂十年二十九歲  
卽位娶巴圖拉丞相之妻薩穆爾稱為額色庫汗爾川案明史  
瓦刺蒙古部  
落也眾分為三其渠曰馬哈木曰太平曰把禿李羅宣德元年  
太平死子捏烈忽嗣此額色庫若當捏烈忽則烏格齊卽明史  
之太平也而巴圖拉又與把都李羅音  
似蓋卽此三人事而敘述歧異如此乃合鄂勒哲依圖鴻拜  
濟阿寨台吉母子及阿薩特之阿嚕克台太師三人於額色庫